



-DIREKTOR-

Dj.l.br.: 01-33-58/21
Sarajevo, 15.02.2021.godine

N/r: Direktora/Vlasnika apoteke

Cc: Koordinator za kvalitet i dr.

Predmet: Poziv na edukaciju za osoblje apoteka

Poštovani/a,

Na osnovu Zakona o zdravstvenoj zaštiti Federacije BiH („Službene novine Federacije BiH“, 46/10 i 75/13), Zakona o apotekarskoj djelatnosti („Službene novine Federacije BiH“, 46/10) i Zakona o sistemu poboljšanja kvaliteta, sigurnosti i o akreditaciji u zdravstvu („Službene novine Federacije BiH“ 59/05, 52/11 i 6/17), **Agencija za kvalitet i akreditaciju u zdravstvu u FBiH (AKAZ)**, već niz godina radi na pripremi zdravstvenih ustanova i privatnih praksi u Federaciji Bosne i Hercegovini za certifikaciju (uspostava sistema sigurnosti) i akreditaciju (uspostava sistema kvaliteta), kao i na ocjeni uspješnosti uvođenja standarda sigurnosti i kvaliteta za apoteke.

Prema planu i programu edukacija, AKAZ-ova **Osnovna obuka za osoblje apoteka** održaće se **25. februara 2021. godine** u prostorijama Agencije, na adresi: Dr. Mustafe Pintola br. 1 Ilidža/Sarajevo, sa početkom u **8:30 sati**, uz pridržavanje svih propisanih uslova epidemioloških i sigurnosnih mjera, kao i putem online YouTube platforme (kombinovani model predavanja). Edukacija će umnogome pomoći osoblju apoteka da započnu ili održe proces uspostavljanja sistema sigurnosti i kvaliteta u svojim apotekama, što je propisano odredbama Zakona o apotekarskoj djelatnosti (član 12.).

Na obuci će polaznice i polaznici imati priliku da se upoznaju detaljno sa djelokrugom rada AKAZ-a; certifikacijskim i akreditacijskim standardima za apoteke; relevantnim propisanim indikatorima, kao i kako ispuniti tražene zahtjeve iz standarda. Kroz praktičan rad biće im približeni načini pisanja procedura, dobiće i primjere urađenih procedura, kao i modele na koji način ispravno uraditi samoocjenu u svojoj apoteci.

Cijena obuke je **240,00 KM** za **1 dan edukacije** po formuli **2+1 gratis**, za svakog trećeg prijavljenog djelatnika apoteke. U slučaju da će polaznici noćiti u Sarajevu, možete nas obavijestiti kako bi obavili rezervaciju u hotelu u kojem se održava seminar po posebnoj cijeni od **68,00 KM** za noćenje sa doručkom po osobi/noćenju.

Stoga pozivamo Vas, Vaše osoblje, a prije svega Vašeg koordinatora kvaliteta, članove Komisije za kvalitet ili Vaše zaposlenike koje odaberete, da prisustvuju edukaciji. Obuka je namijenjena svom osoblju apoteka, posebno imajući u vidu da koordinator kvaliteta zbog obima posla koji iziskuje uvođenje i održavanje sistema sigurnosti i kvaliteta, kao i cjelokupni proces certifikacije/akreditacije, ne može sam da obavlja sve zadatke te stoga preporučujemo edukaciju i drugih zaposlenika apoteke.

Za eventualna pitanja stojimo na raspolaganju putem e-mail-a apoteke@akaz.ba ili na broj telefona **033/771-875**. Kontakt osobe su mr.ph. Vildana Drljević ili doc.dr. Vera Kerleta-Tuzović.

S poštovanjem,

DIREKTOR

m.p.

Adnan Bilić, mr.iur., mr.jed.zdrav.

Napomena:

1. Prijave su otvorene od **01. februara 2021. godine** i primaju se po formuli **2+1 gratis**, odnosno sa besplatnim aranžmanom za svakog trećeg prijavljenog djelatnika pojedine apoteke – privatne prakse ili zdravstvene ustanove.
2. Obuka za osoblje apoteka je i preduvjet za zainteresovane kandidate koji žele da pohađaju obuku za AKAZ-ove ovlaštene ocjenjivače kvaliteta i **postanu vanjski ocjenjivači AKAZ-a za apoteke**.
3. Također, svim učesnicima edukacije, prema Pravilniku o stručnom usavršavanju (član 14.), Komora magistara farmacije u FBiH dodjeljuje 3 boda.
4. Uplate za edukaciju možete izvršiti na račun Unicredit banka: AKAZ Edukacija TRN: **3386902296798319** ili AKAZ Glavni račun TRN: **3383202266132924**